

آبونه شرائطی فلهری
ایچون سنه لکی (۲۷۵)
آلتی آیلانی (۱۵۰)

نسخه سی ۵ غروشدور .
ایکی نسخه رآزاده
(۱۰) غروشدور
سنه لکی ۵۲ نسخدر

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

الکتابخانه

۱۳۳۰

آدرس تبدیلنده آریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لری نك
فرانزجه یازلسی رجا اولنور .

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاسکف

والله یهدی من یشاء الی صراط مستقیم

بیان بویورمشدر . (و كذلك جعلناكم امة وسطا و لتكونوا شهداء على الناس) مسلمانلر بوتون بشریته قارشى حق و سعادتک شاهدلریدر . بوتون انسانلری هدایتیه ایصال ایچون ، هیسنى سعادتیه اولاشدیرمق ایچون توسط ایدرلر . « شهادت » مسلمانلرک ملی ، اجتماعى غایه سیدر . بوندن طولاییدرکه مسلمانلر (خیرالام) و (خیرالبریه) در . وینه بوندن طولاییدرکه یریوزنده استخلاف اولونمشلر . حیات دنیاده بر ملتک ارتقا ایدیه بیلجکی اک یوکسک مقام بودرکه مسلمانلرک ملی غایه سى بوندن باشقه برشى دکدر .

۲ — ایستر اجنیلرک اسیری ، ایستر ملتک ایچندن تورهین غاصبرک اسیری اولق مسلمانلقله قابل تألیف دکدر . حریت اوغورنده چالیشمق ، استقلال اوغورنده بوتون مصائبه کوکس کرمک ، مجادله ایتمک مسلمانلرک وظیفه ملیه سیدر . مسلمانلر یاسربست یاشارلر ، یاخود شرفله اولورلر . مسلمانلقله بوتنک اورتیه سى یوقدر . چونکه مسلمانلق مسلمان اولان حکامک استبدادینى تجویز ایتمزسه ناصل اولورده اجنیلرک استبدادینه راضی اولمالرینى تجویز ایدر ؟ ذلت و عبودیتیه انقیاد ایدنلر هیچ شه سز نماز قیلمده ، اوروج طوتسمده ، مسلمان اولدیغنى ادعا ایتمده حیات اسلامیه دن محرومدر .

۳ — هندستان مسلمانلرینک ایکی وظیفه سى واردن : برنجیسی اسلامى ، عمومیدر . ایکنجیسی ملیدر ، مملکتلرینه خاصدر . برنجیسی هندستان مسلمانلرینک مملکتلرینک حدودینه حصر نظرایتمیه رک بوتون دنیایه باقه لرینى ایجاب ایدر . چونکه اسلام رابطه سى ملیت ، مملکت حدودندن وارسته جهانشمول براخوتدر . برمسلمان دنیانک هر هانکی طرفنده مقیم اولورسه اولسون اخوت عمومیه اسلامیه نک برعضویدر . مسلمانلر ملیت و مملکت قیدلرندن متجرد مجتمع بر هیئت بشریه اولارق تجلی ایتمه لرینى تأمین ایدیه جک تشکیلاتى وجوده کتیرمزلسه صرف ملیت و مملکت اساسنه ابتدا ایدیه جک فعالیتلری بر فائده ویرمز . بناء علیه (جامعه اسلامیه) حرکتنى تقویه ایدرک ملی ، اجتماعى وظیفه لرینى ایفا ایتمه لری ، (شهداء على الناس) اولمه لری لازم کلیرکه قرآن کریمک امریه بودر .

بوندن باشقه مسلمانلرک وظیفه وطنیه لرینى ده ایفا ایتمه لری واجبدر . اوده هندستانى اسارتدن قورتارده رق استقلالنى قازانمق و بوتنک ایچونده ، هندستانک سائر اقوامیه ، بت پرستلره ، خریستیانلره ، مجوسیلره اتحاد ایتمه لری لازم کلیر . بالخاصه مسلمان اولمالری حیثیتیه حریت یولنده باشقه لرینه نمونه امثال تشکیل ایدیه جک مجاهدات جانسپارانه ده بولونمالری اقتضا ایدر . دین اسلام ، مسلمانلغه محارب اولمالیانلره اتحاد علیه دار دکدر . صلح ، اتحاد ، مساوات و اخوت انسانیه مسلمانلغک تعالیم اساسیه سندندر . هندستانده مسلمانلرک وطنداشلر یله

اتحاد ایتمه لری منافع وطنیه ایجابیدر . فقط هندستانى اسیر ایدن اجنیلرله اتحاد امکان یوقدر . چونکه اسلام بوکا مانعدر . قرآن کریم دیرکه : (لاینهاکم الله عن الذین لم یقتلواکم فی الدین ولم یخرجوکم من دیارکم ان تبروهم و تقسطوا الیهم ، ان الله یحب المقسطین ، انما ینهاکم الله عن الذین قاتلوکم فی الدین و اخرجوکم من دیارکم و ظاهروا علی اخراجکم ان تولوهم و من یتولهم فأولئک هم الظالمون ،

۴ — اوروپانک احتراصاتى بالکمز مسلمانلغى و مسلمانلری دکل ، بوتون آسیانک حریتى ، بوتون شرقک حریتى تهدید ایتمکده ، دنیانک امن و اماننى چیکنه مکده ، بشرک راحت و حضورینى سلب ایلمکده در . بناء علیه شرقک غربیه قارشى برلشمه سى و حیات مستقله سنک محافظه سینه غیرت ایتمه سى لازمدر .

۵ — تورکیا ، اسلام دولتلرینک صوکیدر . دنیاده کی بوتون مسلمانلرک اونک قاسنه خادم اولمالری ، موجودیتى مدافعه ایتمه لری ، اونک حیاتی کندى منافع خصوصیه لرینه ترجیح ایتمه لری لازمدر . چونکه تورکیا اصل ، سائر مسلمانلر فرعدر . اصل قورتولمازسه فرع یاشایماز .

۶ — عربجه بوتون یریوزنده کی مسلمانلرک لسان ملیسى ، واسطه تعارف و اتحادیدر . بناء علیه هندستان مسلمانلری عربجه به چوق اهمیت ویرمیدرلر .

حبشستان احوالى

سیاح شهر شیخ توفیق افندی حضرت تبرید مرقات

برچوق سنه لر حبشستانده بولونه رق اورانک احواله یاقیندن وقوف حاصل ایدن سیاح شهر شیخ توفیق افندی حضرتلری ایله انفرده کوروشدک . حبشستان احوالى حقنده بزه فائده لی معلومات ویردیلر . اوزون اوزادی به کوروشوب نوط المیه وقت اولمادی . یاقینده کندیسى ده استانبوله کله جکلرینى ، حبشستانه دائر مفصل معلومات ویره جکلرینى وعد ایتدیلر .

شیخ توفیق افندی حضرتلرینى طائیانیلر کندیسنک نه محترم ، نه مقتدر بر اسلام مبشرى اولدیغنى پک کوزل بیلیرلر . یمنده ، عسیرده اجرای سیاحت ایدرک رؤسای اسلام اره سیده تأمین وحدت خصوصنده بویوک خدمتله انفاسنه موفق اولان مشارالیه ، حرب عمومیدن برسنه اول حبشستانه کچور . اوراده بر مدت کنایجیلقله مشغول اولیور ؛ صوکره حبشستان سفیریمز مظهر بکله توحید مساعى ایدرک حرب عمومى زماننده اورالرده مهم ایشلر کوریورلر ؛ مظهر بکک وفاتی

روح وارکہ هیچ تجربہ ایتہدن بواک قیمتلی صحابیلرینی یابانچی برملک
ید حمایہ سنہ تودیع ایدیور ؟ مع الاسف مسلمانلر بدایت اسلامده
ایلك مسلمانلرہ قارشى بویوک بر صداقت کورتن ، اونلری حفظ
وحایہ ایدن بو حتملی قومہ لایق اولدینی مکافانده بولونه مامشدر .

رسول اللہدن اول اوراسی یہودیلکی ، بالآخرہ خرسیتیانلی
قبول ایتیش ، یعنی دائمی دینہ تابع اولمش بر قوم اولدینی آکلاشیلور .
حقیقہ نہ غریبدر ، اسلامیت مدینہ منورہدن اول حبشستانده
تجلی ایدیور ! حضرت پیغمبر افندیز مکہ عربلرینک فضلہ تضييقہ
معروض قالدیجہ یکی مسلمان اولانلر ایچون آرتیق مکده طورمق
قابل اولمادیغی کوریور ، اونلرہ بر التجاکاہ آرابور ، حبشستانی
مناسب کوریور . حتی یار غای اولان حضرت صدیق بیله اورایہ
کوندریور .

شوقدرکہ حضرت صدیق مکہدن آریلمی قریش اوزرنده فنا
بر تأثیر یاییور . حضرت ابوبکر دکز کنارینہ کلر کلز ، قریش
قبائلی رؤساسندن بر ذات قارشینہ چقیور :

— یا ابی قحافہ ! سن زریہ کیدیورسک ؟ دیور . سن کہ
مسافرلرینہ حیوان کسمکله ضیافت ویرسک . سن کہ چیلقلری
کیدیرسک . سن کہ اسیرلری اسارتدن قورتاریسک . سن کہ کبی بر
ذات ہجرتہ اجبار ایدیلمی ؟ دون کری ! سن بنم اذمتدمہ سک .
قبیلہم خلقي سنی حمایہ کافیدر ...

بویله دیور وحضرت ابوبکری آلوب مکہ کورتوریور .

بالآخرہ امر الہی ایلہ ایکنجی ہجرت وقوعہ کلیور . یکی
مسلمانلرمدينہ منورہ کیدیورلر . اسلامیت اوران شام وعراق
طرفلرینہ انتشار ایدیور . حبشستان ایلك تلقینات اصحابہ قالیور .
شوقدرکہ حبش امپراطوری (نجاشی) نک ایمان ایتسی مسلمانلق
ایچون بویوک بر موفقیت اولیور . حضرت پیغمبر افندیز امپراطورک
مسلمان اولسندن یک نمون اولیور . بالآخرہ نجاشی وفات ایدیور .
حضرت پیغمبر افندیز نجاشینک خبروقاتی مدینہ منورہده ایشیدیور .
جنازہ نمازنی غایب ادا بیوریورلر . ایشہ اوزماندن اعتباراً (صلات
غائب) قیلیمہ باشلامشدر .

بالآخرہ حبشہ کی صحابی پیدرپی مدینہ منورہده دوندیلر . اوندن
صوکرہ نشر دین ایچون اوطرفلرہ قیمتلی ذوات کیتہدی . مع مافیہ
اوقدرجق بر تحم اسلام تلقین سعادت صانکہ اورادہ کافی کورولمشدی .
صوکرہ لری یمنده کی میلمانلر تجارت طولایسینلہ حبشستانہ کیندکجہ
مسلمانلغی ده نشر ایتمکدن خالی قالمادیلر . حبشستان بولاق برملکت
اولدینی ایچون ہر نہ زمان یمنده قحط ظہور ایدرسہ قارشى بہ کچرلر ،
حبشستانک نفیس ومذول یاغلرندن ، فیاض ترلارلرندن کچیرلردی .

اوزرینہ اوج سنہ قدر اوکا وکالت ایلہ اناطولی مظہریت عظیمہ سنی
حبشستان مسلمانلرینہ تبشیر ایلد کدن صوکرہ قالقوب بورایہ کلیورلر .
بوتون حیاتلرینی اسلامک انتباء وتعالیسنہ حصر ایتیش ، مختلف
اقوام اسلامیہ ایلہ تماس ایتک واو اقوامہ قارشى اجانبک آلدقلری
طور ووضیعتی یاقیندن کورمش اولق حسیلہ مسلمانلرک المنی کندیہ
درد ایدیئیش بویله مسلمان سیاحلرینک کوردکارینی ، دوشوندکارینی
اخوان دینک انظار عبرتہ عرضہ دلالت ایتک بوتون مسلمان
غزتہ جیلری ایچون الک متحتم بروچیہدر .

زیرا ہر شیدن اول یکدیگرندن بی خبر مسلمان اقوامی
آرہ سندن تعارفک حصولہ چالیشمق لازمدر . نہ بایمق لازم کلرسہ
یاسیلہرق مختلف وسائطہ مراجعتلہ بوتعارفی تأمین ایتک بوکونکی اسلام
متفکرلرینک اوموزلرینہ یوکلہن اک مهم بر وظیفہدر . خرسیتیان
مسیونرلرینک تااملکتلریمزہ قدر کلہ کناصل چالیشدقلرینی کوریورلر .
او ییلمق بیلمہن مسیونرلرک مطرد مساعیسیدرکہ مسلمانلری
یکدیگرندن جدا دوشورمش ، آرہ لرنده کی اوصارصیلماز بنیان وحدتی
پارچہ لامش ، بینلرینہ درلو درلو خصوصتیلر ، نفرتلر القا ایدرک امت
محمدی شیرازہ سی طاعیلان بر کتاب کبی پریشان حالہ کتیرمشدر .

شیخ توفیق افندی حضرتلری مسلمانلری بو خصوصہم یک
شدتلی مؤاخذہ ایدیور . او ، مختلف اسلام ملتلرینی یاقیندن کورمش
وتدقیق ایتیش اولق اعتباریلہ بزلی نہ قدر مؤاخذہ ایتسہ یری واردر .
کاشکہ یوزلرچہ ، بیکلرچہ بویله فداکار سیاحلریمز اولسہ یدی ده بزلیہ
قارشى متماذیاً مؤاخذہ ده بولونمش اولسہ یدیلر . هیچ شہہ یوق ، بوصمیمی
مؤاخذہ لر بزلی دالیدیغز درین غفلت اویقولرندن اویاندیرمش اولوردی .
ای دوستی ، دشمنی سچہ میہ جک حالہ کلن مسلمانلر ! قولقلریکزی
ویریکز ، دیکلہ ییکز ، باقکز شیخ توفیق افندی حضرتلری اواقیلما
حقنہ نہ لر آکلاتیور :

— حبشستان حضرت پیغمبریمز افندیز زمانندن بری بر اہمیت
مخصوصہ بی حائزدر . اصحاب کرامک ایلك ہجرت ایتدکاری مملکت
حبشستاندر . بی پایان مشقت ومزاحمہ معروض قالان ایلك مسلمانلرک
التجاکاہی حبش دیاریدر . کریمہ رسالتناہی حضرت رقیہ ، دامادپیغمبری
حضرت عثمان ، حضرت علینک قارداشی جعفر کبی کزیدہ اصحابی
سینہ سندن حفظ وحایہ ایدن حبشستاندر . بناء علیہ حبشستانک مسلمانلق
تاریخندہ یک بیوک برموقعی واردر . حضرت پیغمبریمز افندیز ، دین
اسلامی قبول ایتدکاری ایچون مشرکینک اذیت وجفالرینہ دایانہ میان
ایلك مسلمان فداکارلرینی کندی قوم وقیلہ سنہ امنیت ایدہ میور .
حبشستانہ کیتلرینہ مساعدہ ایدیور . ناصیل اولیورده کندی قبیلہ سندن ،
کندی قومندن باشقہ بر ملتہ اصحاب کرامنی کوندریور ؟ حبشہ نہ

میلونه بالغ اولمشدر . بوحسابه بر عصر صوکره نه قدر اوله جفی دوشونولسون . بوقدر نفوسک هانکی صو ایله ونه قدر ترلا ایله اداره ایدیه بیله جکی اندیشه سی شیمیدین حس ایدیلکده در . دیمک که بو زوالیلرده کندی منبعلرندن محروم وهجرته اجبار ایدیه جکدردر . ایشه انکلز سیاستک عبرتلی بر صفحه سی دها !

استقبالده کی بوتهدکی نظر دفته آلان بعض ارباب تفکر ، حبشستانی غرب دولترینک نفوذندن قورتارمق خصوصنده تشبثاندن کری قالماملردر . فی الحقیقه حبشستان مصر ایله توحید حرکت ایتیش اولسه هر ایکی قطعه ده مظهر رفاه و سعادت اولور . بو ایکی قومشو دولت او یوشه صولری - که حیاتلریدر - اجنبی بر دولتک یدتصرفنده براقازلر ، کندی مملکتلرینه ، کندی منبعلرینه صاحب اولورلر .

ذاتاً حبشلیلر مصر لیلرله پک اسکی عصرلردن بری هم جسدلرلر . حبشلیلر و قتیله مصر وادیسنه اینمشلردی . حتی (الاقصر) آثار عتیقه سده حبش ایبراطوری (ترهاقا) اسمنده برینک (مثله) سی وارد . (مثله) حبش اسانجه مردیون دیمکدر . حالا بوتون حبشستانده بطریق مصر بطریقخانه سندن کلیدور . مصر موزه خانه سنده موجود رام مسلرک سیاسنه باقیله حبشلرک (نیغری) سیاحتی آکیردر . اوموزلرینه قدر دو کولن صاچلرینک ، وکارنده کی (مسوب) [۱] لرینک ، مشروبات قدرلرینک عیناً حبش معمولاتی اولدینی کورولور . بوایکی عرق ایکی عنصر ظن اولونیورسده حقیقتده بر اولملری اغاب احتمالدر . مصرک مشهور تاریخشناسلرندن احمد ذکی پاشا ، دارالفنون تاریخ معامی اسماعیل رأفت بک ، تاریخ متخصصی نورالدین مصطفی بکله کوروشدم . مصر رامسسلرینک آفریقادن باشقه بریردن کلدیکی ظن اولوندیغنی بکاسویلدیلر . تدقیقات عمیقه بونی کوستریور .

الحاصل مسلمان اقوامی یکدیگرندن جدا دوشمش . آرمه بابانجیلر کیرمش . آرمه کی رابطه لر پارچه لانش . مسلمانلر کندی قارداشلرینی اونوته رق یوزلرینی اجنیلره چورمشلر . او اجنیلرکه نری بر یوزندن قالدیرمق ایچون هیچ بر فرصتی فوت ایتیمورلر . مملکتتمز اولادندن هر سنه یوزلرجه ، بیکلرجه اسویجره سیاحتی یاپانلر اولیورده ایکی کیشی حبشستانه کیتیمور . او حبشستان که اوراده یدی ، سکز میلیون مسلمان قارداشتمز وارد . اومهم قطعه ارباب علم و عرفان ایچون نه مهم بر ساحه تدقیقدر . یازیق که کنجلمزک یوزلری باشقه طرفلره چوریلور . بیلم اریوکسک روحلر نه اولدی؟ امید ایدرم که بوندن صوکره عزم و همت اصحابی مسلمانلرک ساکن بولونقلری بوتون قطعاتی کیزه جک ، یوزلرجه میلیون قارداشلرینی آرایه جق ، اولنرک احوالندن خبردار اولاجق ، بریردن جدا دوشن مسلمانلر آرمه سنده تعارف حصوله ساعی اوله جقلردر . الله امت محمدیه انتباهلر ویرسون .

[۱] حبش لسانده مسوب : سفره دیمکدر .

حقیقه آفریقا قطعه سنده الک کوزل بر ، الک معتدل قطعه حبشستاندر . اوراسی مختلف اقلیملره منقسمدر . قسم کلیسنده بش آی متبادیاً باغورلر یاغیور . هیچ بریرنده اراضی بی اروایه حاجت یوقدر . قدرت فاطره بوتون انعامی اورایه بذل ایتیش ، اوکوزل قطعه نک هر طرفندن فیاض نهرلر آقیور . اووه لری زمردکی یم یشیل ، طاغیری اورمانلرله محاط .

اوراده کی نهرلرک الک بویوکی (نیل ازرق) درکه چامورلی نیل دیمکدر . بونهر (فوجام) داغلرندن شستله فوران ایدیور . نبعان ایتدیکی محلدن تخمیناً سکسان مترو قدر یوکسه لیور . صوکره اطرافدن دیگر نهرلرده بوکا التحاق ایدرک سکسان کیلو مترو مربعنده بویوک بر کول حصوله کلیدور ، واکول نیل ازرقک منبعی عد اولونیور . حبشک (بحاری) قسمی بوکولک اسمنه (طانا) دیرلر . (نیغری) قسمی ایسه (چانا) دیرلر . معناسی بحر عمیق دیمکدر . بوکولده تراکم ایدوب مصره کیدن صولرک جریان فیضانسر زمانده ثانیه ده ۵۰،۰۰۰ مترو مکعبدر . فیضان زمانده ایسه جریان ۳۰۰،۰۰۰ مترو مکعبه قدر یوکسه لیور .

بوفیاض نهرلردر که انکلز لرک نظر طمعنی حبشستانه جلب ایتمشدر . شیمدی انکلز لر سودانده یدیوز کیلو مترو وسعتنده منعی بر کول یایمق ایسته یورلر . بوندن مقصد ، نیل ازرقک کتیردیکی کورهلر ، چامورلی صوبی اوراده آلیقویمق وسودانده یکی برانکلز مستعمره سی وجوده کتیرمکدر . بوکولک امتیازی آلینش ، مهندس لر ککش ، ایشه باشلاشلردر . شیمدی سد لک انشاسنه جالیشیلور .

بالطبع بوندن مصر جوق ضررلر کوره جکدر . اونک ایچوندر که مصرلیلر بوخصوصده جوق باغیردیلر ، جاغیردیلر . فقط آلدیران اولمادی . اگر حقیقه انکلز پلانی موجبجه بوکول پاییلر ، سوداندن واسع مقیاسده اراضی اروا ایدیلرسه مصر حال حاضرندن فضله اراضی اسقا ایدمه جکدر . وبالطبع اسکی برکتده اولمایه جقدر .

آئیده کی بومحرائی نظر دفته آلان انکلز لر شیمیدین مصرلیلری اوزمانه حاضر لامقده درلر . مثلاً آرزو صرفه آلیش دیرمق ایچون صوبی غایت حسابله ویریورلر . صو قوبولری آچیلیمنه تشویق ایدیورلر . حالبوکه مصرک حیاتی ، برکتک روحی نیل مبارکک کتیردیکی کورهلر ، چامورلی صوده در . کورهلر ، چامورسز صو ایله بالطبع او برکت حاصل اوله ماز . اگر مصرلیلر شیمیدین بوانکلز پلانی عقیم براقه جق بر وضعیت حصوله موفق اوله مازلرسه بالآخره مصرک او قوملی چوللرینی شیمیدیکی کبی فیاض ترلار حاله افراغ ایتک قابل اوله مایه جقدر .

مصرکه دنیامک هر طرفندن فضله نفوس بتشدیریور . بوندن قرق سنه اول مصرک نفوسی یدی بچق میلیون ایکن شیمدی اون درت